

Communicaziun a las medias dals 8 d'avust 2022

Svilup persistent: l'engaschi da la BCG vegn valità da nov cun il predicat «AA»

L'agenzia da rating internaziunala MSCI ha auzà la valitaziun dal svilup persistent da la Banca Chantunala Grischuna (BCG) da «BBB» sin «AA». Tenor la MSCI fa la BCG uschia part da las bancas da leader che disponan d'in rating «AA» u «AAA». Ultra da quai è la BCG da nov partenaria da la Fundaziun svizra per il clima e s'engascha en il cussegl consultativ da quella. La fundaziun promova projects d'interpresas pitschnas e mesaunas en Svizra ed il Liechtenstein che gidan a proteger il clima.

Cun la valitaziun «AA» survegn la BCG il segund meglier predicat da la MSCI per in svilup persistent. La finamira da las valitaziuns da persistenza, realisadas d'agenturas sco la MSCI, è da mesirar co ch'ina interpresa va enturn cun las ristgas e las schanzas finanzialmain relevantas dal sector ESG. Per il rating resguard'ins las consequenzas per l'ambient (Environmental), ils aspects socials (Social) e la buna gestiun da l'interpresa (Governance).

Svilup persistent: engaschi e trasparenza

La persistenza è francada fermamain en la strategia da la BCG. «Jau ma legrel tant pli che noss engaschi e nossas prestaziuns vegnan valitadas da nov cun il predicat AA», di il CEO da la BCG Daniel Fust. «Nus ans engaschain dapi onns per in svilup persistent en il chantun sco er en la fatschenta d'investiziuns e da finanziaziun. Cun noss nov rapport davart la durabilitad communitgain nus nossas activitads a moda transparenta e suandabla.» L'agenzia da rating MSCI conferma che la BCG ademplescha las pli autas pretensiuns en connex cun la lavada da daners suspectus, la corrupziun e la protecziun da datas. Ella accentuescha medemamain las activitads da la BCG per promover talents ed il perfecziunament da las collavuraturas e dals collavuratur.

Innovaziun svizra en favur dal clima

La BCG sustegna da nov la Fundaziun svizra per il clima. «Per pudair proteger il clima a moda efectiva stuain nus concentrar nossas resursas ed ans engaschar per l'innovaziun sur ils cunfins chantunals. Exact quai cuntanschain nus sco partenaria da la Fundaziun svizra per il clima», di il CEO da la BCG Daniel Fust. Ils daners da promoziun da la fundaziun vegnan impundids per sviluppar technologies innovativas che gidan a proteger il clima, tranter auter en il sector d'edifizis, en l'agricultura ed en projects da l'economia circulara.

La BCG e 27 ulteriuras firmas dal sector da servetschs èn responsablas per las investiziuns da la Fundaziun svizra per il clima. «Cun far part da la Fundaziun svizra per il clima mussa la Banca Chantunala Grischuna cleramain che la protecziun dal clima na finescha per ella betg al cunfin chantunal. La midada climatica è ina sfida immensa che nus pudain dumagnar mo cun forzas unidas e

soluziuns e tecnologias innovativas», di Vincent Eckert, manader da fatschenta da la Fundaziun svizra per il clima. Dapi sia constituziun il 2009 ha la fundaziun sustegnì var 2100 interpresas pitschnas e mesaunas en Svizra ed il Liechtenstein cun passa 33 milliuns francs.

Contact:

Thomas Müller, thom.mueller@gkb.ch, telefon +41 81 256 83 11

Daniel Daester, daniel.daester@gkb.ch, telefon +41 81 256 88 01

Banca Chantunala Grischuna, Medias & Investor Relations, chascha postal, 7001 Cuir

medien@gkb.ch / gkb.ch/medien

Banca Chantunala Grischuna.

La Banca Chantunala Grischuna porscha tut quai ch'i dovra per ina banca universala moderna – per persunas privatas, l'economia ed il maun public. L'interpresa cun sedia principala a Cuir è represchentada en passa 40 lieus en il Grischun. Cun var 1'000 collavuraturas e collavuratur è la BCG ina da las pli grondas patronas en il chantun. Sia attaschadada al Grischun exprima ella en moda multifara. Ultra da sias activitads economicas s'engascha ella cun ses sponsoradis, ses fond da contribuziuns e sias puschidas per lavur voluntara.

La BCG dispona da participaziuns da maioritad a la Banca privata Bellerive AG, a l'Albin Kistler AG ed a la BZ Bank Aktiengesellschaft e d'ina participaziun da minoritad a la Twelve Capital Holding AG. Il scrit da participaziun BCG è quotà a la bursa dapi il 1985.